

十朝东华录

十朝集錄

秋七月丁巳諭查閩營伍除山東山西河南外俱歸總督辦理○壬戌諭沈作朋等縱盜兇良一案經欽差阿永阿葉存仁等審明各情節具奏竟係湖北通省前後辦理之督撫潘泉上下聯爲一氣終始扶同公行欺蔽生致奸盜欠稽顯戮良民冤累經年爲通省人民所共憤而有司莫敢爲之舉發昭雪者似此肆行罔上實爲從來罕見之事是以命將沈作朋周琬愛必達等官犯提至熱河親加研鞠據愛必達供實係辦理錯誤若因後案發覺再將前案翻改惟恐有礙顏面所以未經推求此則復成何語朕初以李作愚家被盜一案愛必達爲屬員蒙混答在情懂是以僅予革職發往伊犁效力贖罪既經查出趙啓賢家盜案秦鏐原報詳文愛必達輒將詳內無關緊要之處逐層批駁則是有心迴護矣愛必達身爲總督欲顧自己顏面竟致奸良不問見今審出實情身罹法網顏面更復何在愛必達爲滿洲世臣乃負恩欺蔽至此其罪尚可追乎周琬前爲刑部司員頗稱強幹今於此等緊要盜案惟聽信沈作朋之言扶同徇庇既經親自提訊乃任盜犯狡翻轉將趙泰交參劾其朋比爲奸情弊已屬顯然至其平日任性乖張亦幸而未與後案耳設令其仍在巡撫之任其堅護前非存心枉縱更不知何所底止親鞠之下周琬已俯首無辭至沈作朋縱盜兇良於前復搆弄阻撓於後始終釀成冤滯實爲此案罪魁且見供失入強盜關繫四命若失入事主罪止軍流夫宜誅之強盜四命何妨不宜罰之冤民一家已被設司梟者皆如此存心天下可以無盜但輕罰告盜者閭閻尙得安居乎錫占係知府大員專委承審重案乃有意遷延致沈冤積年未白陳銓陳文樞單言揚等違逆鉅鍊均罪無可貸但究係受上司挾制覈其情罪與周琬沈作朋有間高誠明知前案冤抑乃辦理遲緩不卽據實具奏實爲庸懦無能但將後案實情定讞尙無有心欺飾以上各情節經朕親訊無不水落石出所有各官犯應得之罪著行在大學士九卿定擬速奏並將此通諭各督撫知之尋奏沈作朋等縱盜兇良朋比欺罔按律定擬沈作朋周琬愛必達應斬立決錫占應發伊犁當差單言揚陳銓陳文樞均應發巴里坤當差得旨沈作朋著卽處斬周琬著從寬改爲應斬監候秋後處決愛必達著從寬改爲應絞監候秋後處決餘依議○以李宗文爲內閣學士由少詹事遷○癸亥諭湖北盜犯張洪舜等前後兩案承辦之上司屬員種種扶同欺蔽實爲情理所不容歷來所罕見之事前後所降諭旨甚明朕之所以弗憚諄諄告誡者不特爲楚省整綱飭紀亦正爲直省各督撫提撕警覺耳國家立法弭盜所以安良乃沈作朋等輒將賊真盜確之犯立意翻案縱脫轉致冤累良民及後案復發仍展轉護非並欲消弭前案天下豈有甫經開釋之盜犯旋即影射敗露而仍疑前案之尙非真盜者此雖三尺童子亦知其斷無是理乃轉於此吹求駁詰是誠何心若論反坐常例未的決若原問官得一氣掩蔽欺蒙幾致覆盆莫白況事主李作棋等冤累經年一家已被豈得復藉決與未決爲解免之詞伊等之縱盜冤良鉅制屬員朋比爲奸天下所共知本不待更訊所以親加鞠訊者特示嚴懲以申國法而抒民憤且使天下司憲者知善惡不可濫寬讞贖

不容淆亂於明罰敕法之中高懲一儆百之意昨訊沈作朋供強盜開繫四命事主罪止軍流此語尤為喪心病狂夫審理盜案亦止論賊盜之真確否耳既已賊真盜確即按律多誅數人亦法紀之所應得若無辜之百姓雖一笞一杖亦不得妄加何得較量科罪之重輕槩置黑白於不問朕於各省臬司陛見時每剴切訓諭及之初不料沈作朋等竟藉口於人命攸關轉以縱盜寬良為得計甚至趙啓賢家被劫盜深以前案事主坐罪為鑒不敢赴控若非秦鏞之立時獲盜起賊稟詳切實則強劫得以肆行無忌閭閻尚可安居乎且秦鏞及遊擊李華按拏賊盜時當盜犯之家先令捕役脫衣搜檢以防他日裁誣地步正以愧前案枉縱之上司而伊等猶恬不知恥仍欲售其蒙混消弭之故智不畏功令不恤人言公然欺罔若似此而不為之整頓地方向有何事不可為乎此案沈作朋實屬罪魁立即正法愛必達護非欺罔周旋朋比為奸本均應正法但以案內尚未覓及人命故從寬改為監候此後各督撫藩臬等俱當觸目儆心共知鑒戒毋蹈覆轍著將此通諭中外知之○諭李祜以孫承祖其稱名仍作世子於義似屬未安著交禮部考據經書及歷代史冊自來有無世孫名號並檢查會典該國從前會否有似此立孫之事務令悉心詳細稽查折衷一是具摺奏覆○甲子諭明德審訊洪洞縣民鄭遠放槍捕賊致傷繼母身死一案擬以凌遲具題三法司以本內所敘情形事由捕賊放槍時適伊母在房靠牆窺竊槍砂散開誤傷殞命黑夜之中實屬愚慮所不及覈其情法尚屬兩歧較令該撫另審妥擬等語擬議尚未盡允協夫所謂過失殺者其在平人固無可議即以本家親長而論亦止於伯叔兄弟尚可量從末減若子孫之於祖父母父母即實出於無心原情定擬試問為子若孫者尚何心偷生視息覲顏自立於人世乎春秋許世子止之義深可味也但究係犯時不知準情酌理自當免其凌遲已屬寬典即定以縲首立真於法庶為平允著刑部另將律文斟酌定議奏准頒行至此案鄭遠致死繼母陳氏放槍雖由捕賊然既係繼母又同院居住豈不知伊母卧房所在輒向放槍致死尤不當令其苟活人世致乖倫理著三法司覈擬具奏尋議查向例子孫過失殺祖父母父母止擬杖一百流三千里實未允協請嗣後子孫有過失殺祖父母父母者擬絞立決毋得仍照舊例並通行各省載入例冊從之○戊辰諭據留保銓奏稱青海地方西南界連川藏沿邊與內地合州沙州接壤凡民人唐古特交涉命盜及玉暑番子扎薩克等支領俸餉承襲官職並徵收巴彥囊產等部落馬匹賦稅辦理藏使行糧等項非給與印信恐致滋弊貽誤應請頒給西甯辦事章京關防等語前因西甯無事不必專駐大臣是以將副都統撤回止留部院章京一員帶領筆帖式一員在彼辦理事務今因大臣撤回地方官員即有妄行給票舞弊情事看來必須仍設大員諸事方有裨益七十五著賞給副都統職銜前往辦事該處見在之人七十五不必來熱河請訓即於京師帶領撤回原印馳驛前往所有該處一切事件俱著照舊辦理○辛未禮部議准貴州學政李敏行奏嗣後各省考試選拔生員刪去判語改用五言八韻排律一首從之○壬申諭前內閣撰擬朝鮮世子誥敕朕意李祜以孫承祖其稱名仍作世子於義未安是以傳諭禮部詳覈查覆茲據奏該國王李祜本請以世子李愼之子李祜封為嫡嗣並無請封伊孫為世子之說且考之史冊見有世孫名號昭然可據今李祜既係

該國王之孫自應援例封爲世孫方爲名正言順乃不詳覈典故漫以世子加封若非經朕指出其何以昭天朝典制耶禮部堂官著飭行所有給予誥敕卽行改正頒發○諭朕閱續文獻通考館銜進職官考內有應增改數處俱經逐一指示發該館參考訂正其有一二條沿襲舊文於官制未協者所當斟酌釐定以符體制如四川總督條下註明兼巡撫事而直隸總督向無巡撫兼衡書內亦未註出但巡撫於地方一切考察覈轉皆其職任直隸見在既不設巡撫其所管通省事宜與四川總督無異嗣後直隸總督官銜著照四川總督之例添列兼管巡撫事務至外省知府向爲正四品而巡道各視兼衡爲差等則有三四五品之不同今道員既經裁去兼衡統爲正四品知府乃其所屬自應量爲區別著將各省知府改爲從四品其封典內旗員武職六七品有封承德郎文林郎者名義亦覺未當應照漢官武職之例六品改爲武信郎七品改爲奮武郎但漢官武職至七品而止所有旗員之八九品武職仍照舊制爲修職郎登仕郎庶名實相符而官制亦爲允協俱著該部遵照辦理並諭令會典通考等館一體改正○己卯以王檢爲廣西布政使由山西按察使遷○庚辰諭和碩履親王端謹性成勤勞匪懈前因抱病卽派皇四子皇五子帶領太醫院使馳往診視以冀痊可茲聞薨逝深爲震悼卽擬回京臨奠而扈從馬匹一時未能調集計程往返須在中秋前後是以暫停親詣俟回鑾後再行親臨奠醑著令皇四子在王府穿孝並派皇五子及和親王穿孝仍派和親王恆親王內務府大臣英廉經理喪儀一應喪事所需俱動用官項以展朕優崇崇親至意尋予加祭一次諡曰懿○以藍欽奎爲山西按察使由湖南辰沅永靖道遷○辛巳諭據莊親王等奏稱從前慎靖郡王薨逝時六阿哥於滿月墓祭後卽行釋服今履親王薨逝請令四阿哥於初次墓祭後釋服等語慎靖郡王雖係朕叔然與朕同庚履親王年齒高邁且六阿哥承繼慎靖郡王時係王薨逝後朕所降之旨王在日向不知然猶持服一月值朕萬壽自應釋服至四阿哥向蒙履親王養育多年且爲王十分鍾愛若令於初次墓祭卽行釋服朕心實爲不忍著遵前旨令其持服百日五阿哥著同派出王等一同釋服庶可少伸朕哀悼之懷○諭北方各疆吏廣裁卹柳○壬午諭軍機大臣等據開泰等奏九土司綽斯甲布等攻打金川一摺所辦向未得窺要開泰向於郎卡遣人赴蜀時每許進見且常加撫慰而陰縱綽斯甲布等與之攻擊在郎卡素性狡黠此等行爲豈能掩其耳目卽綽斯甲布見此依違兩可亦將竊笑甚非天朝開示誠信駕馭番夷之道郎卡既於綽斯甲布等屢肆侵陵眾土司合力報復原不爲過督臣既聞其事惟應明白宣示綽斯甲布等以郎卡既得罪於眾土司爾等悉銳往攻儻能剿滅番碉亦免爾等後患但不必官爲應援而於郎卡來人嚴爲拒絕且切諭以爾既結怨鄰境豈甘爲爾蠶食必將聯集各寨奮力復仇此亦爾所自取我等斷不肯曲爲庇護如此則郎卡既不敢恃以逞強而綽斯甲布等亦可洩其積憤於事理方爲兩得乃開泰既謠以籠絡郎卡復隱爲援助土司殊失控制大體爾爾泰嗣後一切當以光明正大經理得宜毋事調停遷就致蹈開泰故習並將此傳諭岳鍾璜知之○甲申命駐防將軍都統提鎮茶進表履均照舊無式

八月乙酉朔命哈密巴里坤伊犁葉爾羌等處駐防官兵養廉鹽菜銀兩以甘肅等處裁撤兵丁馬乾割抵索倫察哈爾莊浪涼州

移駐伊犁官兵養廉鹽菜銀兩以京口杭州裁撤漢軍兵丁分例劃抵○袁寅諭富德所犯之罪皆伊福薄未改烏拉齊積習之所致但富德前在軍營曾經出力行走著加恩寬免其罪補放散秩大臣效力贖罪○壬辰諭軍機大臣等永貴等奏稱哈薩克阿布賽遣使獻馬其自帶馬九十餘匹已准令貿易等語哈薩克前在伊犁烏魯木齊往來並未至回地貿易且伊等至喀什噶爾必由布魯特等部落經過沿途頗有賊盜苟非貪圖重利焉肯前往見在伊犁等處貿易上等馬匹僅估價銀三四兩而回地則加倍有餘往來日久不但伊犁等處貿易大減亦恐滋生事端但阿布賽奏稱恭順此次既經准其貿易嗣後伊等再來必禁絕回入私市但從官買較之伊犁等處價值更減不可稍令獲利伊即欲帶回亦聽其便仍曉示來人以爾等從前並未來回地貿易况回地亦無須多購馬匹其各項牲畜自有巴達克山安集延布魯特等處商販爾等不必前來如此則貿易不得便宜伊等自不肯遠赴並將此傳諭伊犁烏魯木齊駐紮將軍大臣等知之○癸巳賜烏魯木齊城曰迪化城門東曰惠平西曰豐慶南曰肇阜北曰懷惠特納格爾城曰阜康城門東曰綏惠西曰振威南曰麗陽北曰甯朔○庚子 上奉 皇太后自避暑山莊巡幸木蘭行圍○乙巳命杜爾伯特王公扎薩克等及歲子弟報部授職○丙午命各省督撫學政鹽政藩臬兩司書吏不許私用頂帶○戊申吏部議准山西巡撫明德奏清源縣地處偏僻界僅三十里徐溝縣地方不過三十餘里請將清源縣裁汰統歸徐溝縣轄從之○辛亥賜庫爾喀喇烏蘇堡名曰綏來門東曰延和西曰迎顯南曰調薰北曰溥信品河堡名曰豐潤門曰威寧曰同軌曰景風瑪納斯堡名曰遂成門曰卽敘曰迪康曰單化○壬子以淑寶爲甘肅布政使朱珪爲福建按察使由福建調○是月湖南巡撫蔣光烈奏湖南嶽麓書院有宋大儒朱熹張栻於此講學人文輩出爲海內四大書院之一明季殘毀本朝修復再頒扁額復賞帑金惟房屋傾圯地偏山陂淺窄欹斜工難經久稍東數十步原屬書院故址繁偉 文廟地勢平衍改築於此增建數十間足供諸生棲止報聞

九月乙卯朔日有食之○調王檢爲甘肅布政使淑寶爲廣西布政使○調富尼漢爲山東按察使閔鴻元爲安徽按察使○己未尙書劉綸奏蕙田奏臣等恭承指示校正韻書竊惟古詩賦頌箴銘韻從通叶 欽定叶韻彙輯一書義例精當久已成編惟律韻尙仍舊本謹按韻書昉隋唐分合異同源流滋別考證維艱臣等悉行參考就見在通行韻書中有應更改增損者折衷廣韻集韻禮部韻略五音集韻韻會舉要等書及諸家辨論參互得失之故列爲凡例並將列韻格式先呈 御覽其新編韻書請賜嘉名得旨書名著定爲音韻述微○癸亥諭前審訓湖北縱盜冤良一案根究始事之由詢及知州趙泰交據供有幕友浙江人徐掌絲盧培元等弟兄親戚盤踞楚省恩有年所與地方官交接往來徐掌絲在臬司沈作朋署內伊弟徐登三即在總督愛必達署內伊妹夫盧培元卽在巡撫湯聘署內彼此串通一氣此案各衙門前後批詳皆出伊等數人之手等語地方大吏承辦重案竟至顛倒是非行私罔上固不得談過旁入稍爲寬貸而此等惡幕暗通聲勢從中把持實爲民生吏治之蠹已降旨李侍堯陳學鵬等拿解刑部會同軍機大臣嚴審治罪在外省督撫藩臬衙門案牘紛繁書記之任亦不可少然一切應准應駁必當自爲主持豈可聽一二



幕友操縱自由且此事賢否不一甚至彼此潛相照應或援引黨類往還出入因而媒衍招搖轉致受其愚弄向來勒薦幕賓例有明禁復經臺臣條奏嚴定處分乃楚省尚有敢於上下勾結縱盜殃民若徐掌絲等之甚者一省如此恐他省亦不能保其必無著傳諭各省督撫留心密訪嚴察如有此等久慣惡幕潛居省會倚託上司衙門因緣為奸者立即嚴拿重究以昭炯戒毋得稍存姑息僅以遞回原籍顛預了事儻督撫等視為泛常不知實力整頓一經朕別有訪聞惟伊等是問並聞有新任督撫藩臬接用舊任幕友者徒因其經辦多年一切多所諳習遂爾相沿趨便不知若輩藉愿幕更事為名始終占踞一衙門官有去留幕無更易不肖之徒易於乘間滋弊涓涓不息將為江河亦不可不杜其漸嗣後一體飭禁並將此通諭各省督撫藩臬等知之○乙丑 上奉

皇太后駐蹕避暑山莊○丙寅諭據蘇昌奏粵東田房稅契銀兩一項原係另款存貯以備本省建造工程等項動支今積至一百二十餘萬之多見在京外各處或有需用請即酌撥八十萬兩解交收用又另摺請將廣東圍基隄岸二項鹽義生息銀二十九萬餘兩解交內府工程處備用各等語各省閒款銀兩存貯既多原可酌量籌辦然應存應撥止須據實陳明聽候敕部定議毋庸為他處工程鰥鯁過計蘇昌此奏似聞圖明圖見有修葺之處故欲將此款充用所見甚小前熊學鵬亦有請將商捐辦差餘存銀兩解交內府之奏兩人用意略同殊不知圓明園工程一切皆仍舊實需費無多奚致遂煩督撫經營籌畫况天子不言有無外府內府仍屬一體又何必事此挹注之勞耶蘇昌等既為此奏恐各省督撫尚有未能盡喻者著將此通行傳諭知之○戊辰命科布多屯田○己巳諭前因高晉連次奏報湖水消落情形未將黃河水勢及毛城鋪曾否過水緣由一併入告深慮朕念前經降旨詢問今據該督奏稱毛城鋪因秋汛水漲過水九寸至一尺三寸不等下注洪溝以達濰河日內已漸消落等語濰河為毛城鋪下游雖據稱儘堪容納在今年長水無多濰河自不致旁溢而毛城鋪疲竭亦自可計日斷流但濰河已久未疏濬亦應乘此豫為籌畫侍郎奏曰修昨曾奏俟查辦直隸河渠事竣請假回籍著於歸途之便即會同高晉託庸前往該處相度情形如有應行經畫之處即行奏明辦理○庚午 上奉 皇太后自避暑山莊回鑾○癸酉改甘肅臨洮道為驛傳道洮岷道為鞏秦階道○丙子 上奉

皇太后還京師○己卯諭託庸奏江浙等四省見議貢監收指穀石運補京通倉貯請將安徽省常平穀一百六十餘萬石先行碾米分附糧艘帶運一摺雖其酌劑積儲頗見勇往然朕熟籌此事於倉庾民食實在有無裨益情形即九卿覆准侍郎英廉條奏本案並可無庸亟事舉行也陳編所載餘三條之一文固為足食本計第在當時原屬地廣人稀又列國各守其封域持籌者可以隨宜措置耳以今幅員之廣生齒之繁歲即屢豐而三農生穀止有此數採購於官庾捐輸於紳士條款雖殊其為地方所產則一與其展轉挹注名異實同又何如即以此留之民間俾養廢倍為饒給乎朕御極以來會議直省倉貯寬裕員補旋聞市價增長即令停罷蓋以小民未獲將來糴貸之利而先受目前食貴之艱嘗諸日資四輔者先奪其二而語之曰吾將為爾他日待哺計也彼不生感而生怨矣此中先後得失其理較然不爽况朕念切民依偶值偏災即截漕動以億萬計而年來糧輟正供自足太倉之粟

可餘備二三年而贏此亦足矣計臣即鯁鯁較量朕皆不以爲然國家昇平富庶內府外府均爲一體凡官廩兵精歲支之數豈關於供若以補漕糧而議捐穀又因議捐穀而先運常平不獨徒費輸輓之勞且他省聞風踵事地方因緣壟斷必致米價騰騰閭閻轉滋弊累卽云不動聲色而似此多立規條轉相倣效其爲聲色更河待言揆之經常不易之道惟爲民食留其有餘國用自無不足居今承平日久戶口增而產米止有此數儻民間或遇必資通融協濟之處亦不過臨時善爲補偏救弊耳無他一勞永逸之計也至執三十年制國用之說拘文牽義更制而事不可行譬之封建井田諸舊法又豈可復議於今日哉所有託庸穢運常平穀石之奏不必行其江浙四省貢監收捐本色之例並著停止將此通諭中外知之○辛巳軍機大臣等遵旨將準噶爾家譜進呈御製準噶爾全部紀略文曰自古無不志外夷而實者少鮮者多非以其方域所限言語不通耶得什一於千百加以魚魯亥豕其堪信者鮮矣茲者平定準部止封達瓦齊子一人居之京都且城伊犁駐將軍鎮守事耕牧焉念彼原一大部落不可無紀故就親詢實事書之亦以便方略纂敘也準噶爾四衛拉特者綽羅斯部杜爾伯特部和碩特部土爾扈特部是其輝特一部本附庸於杜爾伯特後土爾扈特竄歸俄羅斯故別輝特爲一部仍稱四衛拉特云衛拉特明史稱爲瓦刺其音頗近史所載脫歡太師蓋其始祖元亡而其疆臣分爲三其渠曰馬哈木者卽脫歡之父也脫歡者蒙古準語同爲釜今準人語釜爲海蘇而蒙古語則仍舊蓋準人自避其祖諱此亦一證也自脫歡逮字汗其世次不可考字汗背正妻與他婦野合而生子曰烏林台巴靶太師其母棄之澤中字汗收養之遂統部落又十一世而傳至寶音諾顏哈喇忽刺是爲策妄阿喇布坦之曾祖子曰巴圖魯渾台吉有子十二人五曰僧格策妄阿喇布坦之父六曰噶爾丹博碩克圖其餘無事無足稱長曰策臣次曰巴圖魯策臣與巴圖魯殺其弟僧格噶爾丹博碩克圖始自藏中回舊部反俗爲汗於康熙年間犯塞戰敗走死先是噶爾丹博碩克圖既殺兄僧格之次子索諾木阿拉布坦僧格舊臣七人與策妄阿拉布坦同遠逃準語所謂多倫努庫爾者是多倫者漢語爲七努庫爾者漢語爲友蓋其患難相共所謂世臣並赦其子孫七死云及噶爾丹爲我兵敗策妄阿喇布坦始還和博克薩哩收其父舊屬及噶爾丹餘眾復成部落並縛噶爾丹子獻闕下遂自據汗位子噶爾丹策零噶爾丹策零子策妄多爾濟那木扎勒其庶兄喇嘛達爾扎執而篡之達瓦齊復因阿睦爾撒納之計篡奪其位達瓦齊者巴圖魯渾台吉之第七子布木之子大策零敦多卜之孫於策妄阿喇布坦爲再從姪孫其小策零敦多卜則策妄阿喇布坦之祖巴圖魯渾台吉之弟默爾根代青之曾孫其去策妄阿喇布坦世派蓋已遠矣先是康熙年間噶爾丹博碩克圖拘繫和碩特車臣汗收所屬人眾併入準噶爾鄂拓克其時有和碩特之拉藏汗者居唐古特地卽願實汗之裔也子二人一名丹衷一名索爾扎丹衷由唐古特仍回至厄魯特娶策妄阿拉布坦之女博托洛克爲妻後策妄阿拉布坦知其學習哈拉爾查達術事也 皇祖仁皇帝敕諭策妄阿拉布坦不得繹騷唐古特地並發大兵進剿於是策零敦多卜攜索爾扎逃回厄魯特藏地復平迨雍正年間策妄阿



拉布坦死于噶爾丹時年尚幼其妻與唐古特和始結為夫婦其子十歲喪母其妻以博托洛克與章徵和碩齊為妻其在丹衷處生子班珠爾給戶五資養彼時博托洛克復有孕未產適章徵和碩齊後乃生一子是曰阿睦爾撒納雖為輝特台吉實與班珠爾皆丹衷之子噶爾丹策零死策妄多爾濟那木扎勒恐索爾扎之子納哈查逃往唐古特將伊禁錮至達瓦齊算位始將納哈查釋放又和碩特羅布藏車凌者娶策妄阿喇布坦之女達什色布騰為妻噶爾丹策零時因羅布藏車凌率領伊屬萬戶欲往土爾扈特遂遣兵擒獲羅布藏車凌囚之以其妻給章徵和碩齊二子交易噶爾特鄂拓克宰桑烏巴什安置至青海居住之羅布藏丹津於策妄阿喇布坦時逃至準噶爾策妄阿喇布坦死後羅布藏車凌羅卜藏丹津二人謀殺噶爾丹策零嗣因羅卜藏丹津被拘羅布藏車凌恐亦被囚遂欲逃往土爾扈特故雍正年間我世宗憲皇帝索羅卜藏丹津噶爾丹策零稱已縛送至中途聞進兵而止者非詐也蓋彼業經拘繫之囚故不斬而且欲以為奇貨也噶爾丹策零於丑年死策妄多爾濟那木扎勒年幼其姊鄂蘭巴雅爾同母出也每以善言相勸禁其淫亂策妄多爾濟那木扎勒年既長遂不受其禁制並聽讒言謂其姊欲效俄羅斯自立為扣肯汗遂將鄂蘭巴雅爾拘繫並殺戮多宰桑其後屠狗盜妻之事無所不為益無忌憚鄂蘭巴雅爾之夫薩音伯勒克遂同噶爾丹策零虐子喇嘛達爾扎攻策妄多爾濟那木扎勒喇嘛達爾扎遂篡汗位有噶爾丹策零幼子策旺達什者阿睦爾撒納班珠爾欲誘出策旺達什立為汗後被喇嘛達爾扎知覺遂殺策旺達什阿睦爾撒納班珠爾二人憊還達瓦齊云喇嘛達爾扎既將與爾同仇之達什達瓦殺戮恐禍將及爾於是達瓦齊阿睦爾撒納班珠爾三人同逃哈薩克至申年達瓦齊阿睦爾撒納班珠爾復回舊游牧處阿睦爾撒納遂殺其兄沙克都爾聚其眾復與伊犁喇嘛等合謀殺害喇嘛達爾扎立達瓦齊為汗其次即阿睦爾撒納用事二人仍屬親厚有達什達瓦姪訥默庫濟爾噶爾香欲與達瓦齊分領準噶爾猝率兵一萬至伊犁與達瓦齊戰達瓦齊敗至舊游牧額密勒處與阿睦爾撒納會用阿睦爾撒納計誘訥默庫濟爾噶爾誅之準噶爾眾仍立達瓦齊為汗達瓦齊聽伊犁眾宰桑言與阿睦爾撒納生隙阿睦爾撒納本垂涎汗位既失望遂與班珠爾納哈查及杜爾伯特訥默庫等會同哈薩克將額密勒一帶往牧者肆行擄掠且耕種額爾齊斯為自固計達瓦齊凡三遣兵剿阿睦爾撒納皆不克其後自領兵三萬至阿睦爾撒納游牧之額爾齊斯壁之阿睦爾撒納勢不敵始投誠來歸此準噶爾始終構亂所由也至準噶爾鄂拓克昂吉之名各異者鄂拓克為其汗之部屬昂吉為各台吉之戶下舊鄂拓克凡十有二烏嚕特有四宰桑人五千戶為一鄂拓克喀喇沁有一宰桑人五千戶為一鄂拓克額爾克騰有一宰桑人五千戶為一鄂拓克克里野特有一宰桑人六千戶為一鄂拓克卓托噶克有一宰桑人三千戶為一鄂拓克布庫斯有一宰桑人三千戶為一鄂拓克阿巴噶斯哈丹各有一宰桑共人四千戶為一鄂拓克鄂畢特有一宰桑人三千戶為一鄂拓克鄂羅岱有二宰桑人三千戶為一鄂拓克多果魯特有一宰桑人四千戶為一鄂拓克霍勒博斯有一宰桑人三千戶為一鄂拓克綽和爾有一宰桑人三千戶為一鄂拓克其後復立鄂拓克十有二巴爾達穆特有一宰桑人四千戶為一鄂拓克庫圖齊訥爾有

五宰桑人四千戶爲一鄂拓克噶勒雜特有三宰桑人四千戶爲一鄂拓克沙喇斯有二宰桑人三千戶爲一鄂拓克瑪呼斯有一宰桑人五千戶爲一鄂拓克布庫努特有一宰桑人二千戶圖古特有一宰桑人五百戶爲一鄂拓克烏喇特有一宰桑人三千戶爲一鄂拓克阿勒闊沁有一宰桑人五百戶爲一鄂拓克扎克沁有三宰桑人二千戶包沁有三宰桑人一千戶爲一鄂拓克奇爾吉斯有四宰桑人四千戶爲一鄂拓克特楞古特有四宰桑人四千戶鄂爾楚克有一宰桑人五百戶烏爾罕濟蘭有一宰桑人八百戶爲一鄂拓克明噶特有一宰桑人三千戶爲一鄂拓克鄂拓克之外復有五集賽阿克巴集賽有二宰桑人四千戶賽瑪里木集賽杜勒巴集賽推素陸集賽伊克胡拉爾集賽有一宰桑人各一千戶其後復立集賽四溫都達集賽善拔領集賽各有一宰桑人各一千戶桑堆集賽品陳集賽各有一宰桑人各三百戶此九集賽辦理喇嘛一切事務喇嘛有六千餘準噶爾共六十二宰桑二十四鄂拓克一切供賦俱其汗公物其外復取烏梁海及葉爾羌喀什噶爾阿克蘇和闐四城回人租入二十一昂吉爲各台吉所有而統屬於準噶爾之汗昂吉者準語分支之謂也緯羅斯部之達瓦齊一昂吉達什達瓦一昂吉多爾濟丹巴一昂吉噶勒藏多爾濟一昂吉訥默庫濟爾噶爾一昂吉鄂爾齊伍巴什一昂吉杜爾伯特之車凌一昂吉達什一昂吉伯什阿噶什一昂吉和碩特之沙克都爾曼濟一昂吉輝特之塔爾巴哈沁薩音伯特勒克一昂吉和通額默根一昂吉多羅特舍楞一昂吉敦多克一昂吉業克明安巴雅爾一昂吉車凌班珠爾一昂吉巴圖爾額默根一昂吉察罕圖克阿睦爾撒納一昂吉博洛果特合吉諾海奇齊克一昂吉土爾扈特合吉巴圖爾烏巴什一昂吉春圖布一昂吉共二十一向於西師詩稱二十一昂吉爲其汗公屬者蓋考之而未詳茲始詳詢縷敘如右然各台吉雖分領其昂吉凡出師執役無不聽其汗之令則初所經者亦未爲大差也統計其汗之二十四鄂拓克九集賽及各台吉之二十一昂吉得二十餘萬戶六十餘萬口成一部落者百十餘年語云十人成之而不足一人敗之而有餘吾於紀準噶爾之事益見其不喪賈生所謂仁義不施而攻守之勢異雖夷狄之有君豈能外是道哉○是月直隸按察使裴宗錫奏熱河三廳各山場偏長紅葉係菠蘿樹土人止砍伐作薪不請養蠶殊爲可惜又八溝廳屬之難兒河與塔子溝屬之三座塔木城等處亦多長此樹應請令熱河三廳與八溝二廳地方凡有曠閒山場俱勸諭百姓廣爲栽種養蠶官給印票填明花戶姓名及頃畝數目三年後果有成效酌定租息給還地主若係官地照例升科於地利民生不無裨益得旨交方觀承實力妥辦○四川總督阿爾泰等奏金川土司耶卡滋擾鄰境綽斯甲布革布什咱巴旺小金川黨壩五土司與金川連界結怨已久沃日松岡校磨卓克基四土司距金川稍遠與綽斯甲布等五土司非親即族得齒相依九土司中綽斯甲布勢力稍強可與金川相敵其餘或兵力微弱或土司庸愚分處各巢九土司共爲合從之計以遏耶卡窺伺上年九月因耶卡侵佔黨壩地方綽斯甲布發兵相助並約會各土司稟懇准其攻打以圖報復本年五月九土司會攻金川分路前進三月以來連得勝仗各土司合力進攻固可長除後

士尚書公兆惠協辦大學士尚書劉綸兵部尚書公阿里發刑部尚書舒赫德秦蕙田工部尚書阿桂俱加太子太保吏部尚書陳宏謀晉加太子太保河道總督高晉晉加太子太傅漕運總督楊錫綬晉加太子太保浙閩總督楊廷璋湖廣總督李侍堯兩廣總督蘇昌四川總督阿爾泰俱加太子太保江蘇巡撫莊有恭雲南巡撫劉藻俱加太子少保○論軍機大臣等前因李侍堯奏湖廣鹽價驟增一事當經傳諭高恆奏覆以楚省行鹽一切並由漢口商人經理是其增價情由當與淮南無涉今閱李侍堯摺內稱漢口賣商繳出淮南公私有屬令不可賤價輕售之語則不得專談其過於楚商矣但所奏春間每包價銀二錢一二分即謂淮南札致而然若衛鳳翥等竟行賣至二錢七八分之多又豈盡淮南商教之耶看來鹽價之長落視成本之多寡物情雖難齊而預定價值自為節制商人之常法此則李侍堯之說終屬優於高恆也總之高恆在淮言淮其意以恤商為重而李侍堯在楚言楚亦未免以在任伊始汲汲欲為地方以平價便民使二八易地而處亦必更無異說然此究係意見所為非虛公無我之本心也若傳諭李侍堯等辦理地方公事惟在平心靜氣和衷商推酌中妥辦在漢口不得定價太苛致商人深苦餘息之愜在兩淮亦不得藉詞定價無餘勒指不往運售致閭閻重貽淡食之患斯商民交便而體制尤為協宜將此詳諭知之○丙戌 上親臨慶親王允禩喪次賜奠○丁亥諭豐訥亭前在軍營甚屬奮勉材質尚可造就著加恩承襲簡親王爵補授鑲黃旗領侍衛內大臣○辛卯諭侍郎裘日修見在告假迎養順道命勘濰河著馳驛去○壬辰定州縣無故赴省及久留省會參處例○癸巳諭軍機大臣等見在修輯韻書聞安徽婺源縣有已故生員江永曾著四聲切韻表及音學辨微二書稟本已成未經刊刻著傳諭該撫即飭該縣就其家購覓如因一時鈔錄不及竟將原本隨摺摺之便附封送京以備採擇書竣即行發還○戊戌諭愛必達周琬以封疆大臣於歸州縱盜寬良重案獲罪論律均無可原朕覈其成誠端委則愛必達之責尤視周琬為重蓋伊身任總督當後案發覺時知州秦鏞已詳悉具稟愛必達何難據實檢舉即有處分亦不過革職留任凡為督撫者所常有而前案即可立時剖雪彼沈作朋等復有何伎倆敢於力遂前非乎總由愛必達迴護之見一成不變轉將稟詳斥駁以致湯聘宋邦綏等從而附和迎合勢不可解是釀成欺罔伊安得不為此案罪魁其所以如此迴護者則以前案始陷於不知終難於自檢周琬於承辦前案始終不合佛保住見總督為朋比沈作朋縱盜寬良罔上欺公之禍本而後案則周琬實已離任未與其事然任其乖張之性卽令在任其堅執迷謬將不知作何究竟雖然此乃誅心之論彼究未見之施行也朕凡遇臣民等細微功罪尚不肯稍涉苛濫而況曾經任用之大臣愛必達之罪實為法所不宥但朕念愛必達出身勳舊世家伊兄策楞以軍律已負重譴道死於兵訥親亦先以軍律早正國法今若復將愛必達正法心實為之不忍伊兄弟五人並躋通顯先世當有嘏德至其兩兄並取大戾而愛必達亦重罹國憲被種孽更自有因此則非朕所知矣特其罪究與軍律稍間是以法外矜宥朕當先謝不能執法之咎今於愛必達既為施恩豈復過責周琬耶愛必達周琬俱著

從寬釋放發往伊犁效力贖罪派乾清門行走副都統觀音保即日押令前往並將此通諭中外知之○王寅諭禮義廉恥居官者立身之要雖不可妄行驕縱亦不應自處過卑以爲取悅上司之計如侍衛及滿漢部屬於堂官接見同事俱有一定體制遵行已久人所共知近聞侍衛部院司官內有見該堂官輒行屈一膝者或更有因懇求之事及本身稍有愆尤卽免冠叩首者至於途次相遇有彼此乘馬屬官竟行下馬者於定制甚爲錯謬向來滿洲除告兵告圍之外從無長跪叩首之例況侍衛係內廷行走人員卽在領侍衛內大臣前亦俱侍立同事從不屈膝邇來因新留京居住之索倫達呼爾等在軍營時於將軍大臣前每行跪叩以致一時不能記憶遂成習慣殊不思伊等既習於此其他侍衛又將何以行之况伊等既見任侍衛其本職禮儀自當學習熟嫻際此太平之時並無軍旅之事又何所求告耶若不嚴行禁止則彼此效尤何所底止著通行曉諭侍衛部屬接見本管堂官俱照舊例侍立同事卽自行問候亦不過鞠躬致意已足達情稱禮儻傳諭之後有仍蹈前轍者該堂官卽行嚴加申飭訓誨而不悛卽參奏治罪如大臣等不以爲事妄自尊大受此詔諛恬不爲怪姑容此卑鄙無恥之徒經朕查出定行從重治罪嗣後屬員等若卽恃此不遵理法率行傲慢縱肆則尤爲非禮伊等務宜循分守例以協舊章再伊犁喀什噶爾等處辦事大臣前侍衛等不應過於卑屈卽伊犁所設總統將軍亦不過鎮守邊地並非從前軍營將軍大臣可比侍衛等亦不應屈膝跪叩儻有似此者該將軍大臣卽嚴加訓飭勿得任其日流於下再聞邇來卑鄙無恥之徒有罔顧職任稱莊親王誠親王爲太王及見王等長跪請安者此皆由一二無恥之人以諂媚爲謙恭至於此極若久之沿爲惡習所關非細假如莊親王誠親王諸子內有晉封王爵而伊等已經退閒之後其屬下人等以伊爲見任親王之父稱爲太王尙可今無故遽稱爲太王將何所指耶著嚴行禁止此後稱王等爲太王及見王等長跪請安者凡王大臣遇見卽行參奏以儆弊俗著將此傳諭中外知之○甲辰以顏希深爲福建布政使廖瑛爲江西按察使

由雲南驛

○辛亥停止文武鄉試錄登科錄恭進

皇太后及

皇后例

十一月戊午賜德源等五十一人武進士及第出身有差○庚申諭各省將軍督撫提鎮等所轄弁兵除地方辦公外不得因私事隨帶役使所以明職守慎官方也前因都察院升任進京隨從弁兵數十人及遊擊安宛將綠營兵任意差遣等事屢經降旨嚴行飭禁乃昨因提督王進泰來京陛見詢知其隨來者仍有粵西千把此甚非是從來官盛任使原爲經理一切公務足敷調遣之用是以大員於本屬辦差及巡查公出弁兵等自可供其驅策卽遇齎摺等差事屬因公於例亦所不禁至於陛見或升任入京則是本身私事豈無家人長隨等可用而猶一一取資於官使伊等往來道途遠離職役營伍日就廢弛於政體甚有關繫著再行傳諭各將軍督撫提鎮等嗣後如有陽奉陰違仍蹈故轍者朕必重治其罪○辛酉張師載卒以葉存仁爲河東河道總督調阿思哈爲河南巡撫明山爲廣東巡撫明德爲陝西巡撫輔德爲江西巡撫常鈞爲湖北巡撫甘肅巡撫印務以總督楊應琨兼署○甲子諭張師載老成謹慎辦理河務宣力有年今患病溢逝殊爲軫惻著加恩追贈太子太保所有應得卹典並著該部察例具奏尋予祭葬

諭恩敬○丁卯大學士梁詩正卒遺疏聞諭大學士梁詩正老成端重奉職恪勤侍直內廷晉階綸閣方貴簡任遑聞溘逝深為軫恤命皇五子前往奠醴並加贈太保入祀賢良祠賞給內庫銀一千兩治喪念伊子梁敦書尚未到京寓欠乏人著派內務府司官一員前往經理其事所有應得卹典該部察例具奏尋于祭葬諡文莊○壬申命皇四子永璽襲封履郡王來年就府○癸酉命蒙古王公謁見各大臣不得屈膝○己卯命楊廷璋為體仁閣大學士兼兵部尚書仍留閩浙總督任○諭軍機大臣等大學士梁詩正真誠朕念漢軍大臣中宣力年久者莫如楊應琚及楊廷璋二人其先擢總督及辦事明練楊應琚實為最優是以出缺時朕即欲加恩補放以獎賢勞第念楊廷璋見在已逾七旬其年較長而楊應琚則猶為可待是以先將楊廷璋簡用著將此傳諭楊應琚俾知朕意遇事益加奮勉用副倚任○庚辰命各省督撫保舉堪勝知府人員○賞阿克蘇阿奇木伯克散秩大臣色提巴爾第公品級○壬午喀爾喀親王成衮扎布之子瞻楚布多爾濟卒賞銀五百兩治喪○雲南江川等五州縣地震

十二月甲申申誠疆吏巡歷地方務輕騎減從○甲午諭據輔德奏布政使富明安係伊同族例應迴避等語富明安久任司道應

令出力報效著派往巴里坤辦理事務更換溫敏同京其江西布政使員缺著張逢堯補授○乙未以蔣櫞為兵部右侍郎

由左副都御史

調熱河兵

○戊戌諭望應階奏請挑荆山橋舊河一摺所見甚是東省南陽昭陽微山等湖匯為巨浸

每遇水漲之時窪地常遭淹濟甯魚臺二屬適當下游之衝田廬所關禁重前會特派欽差同地方大員辦理朕上次南巡復經

親臨閱視面諭河督諸臣

隨宜設法籌辦但橋畔河淤日增日積非大加興挑何以去沮洳而資利導著派協辦大學士公兆惠於

明歲初春馳驛前往會同尹繼善葉存仁崔應階相度會議奏請興工崔應階已於摺內批示不必來京陸見尹繼善亦著於新正

計量日期前赴荆山橋候兆惠到日熟籌妥辦○諭琉球國疏請購買絲斤部臣議駁自屬違循例禁第念該國為海遠藩籬紙

無資不足以供章服據奏情詞懇切著加恩照映咭喇國例准其歲貢土絲五千斤二蕭湖絲三千斤用示加惠外洋至意餘悉飭

禁如舊所有稽察各關口岸及出入地方仍加意覈查以杜影射○移浙江台州府同知駐甯海縣亭旁○己亥諭兩江總督尹繼

善等合辭具奏請於乾隆乙酉年再舉南巡之典以慰臣民仰望一摺朕惟江浙地廣民殷一切吏治農功均關要計且襟江帶河

濱湖近海之區籌畫澤國田廬無一不重禁宵旰前以壬午歲恭奉 安輿時巡周覽凡淮河水誌節宣匾額啓閉以及杭屬塘工

勸建柴石料段諸事且曾與封疆大吏目擊手畫以期利濟羣生年來疊經督撫等疏報下河郡邑汛水恬流並無漫溢惟是浙中

海潮漲沙雖有起機大溜尚未趨赴中壘是深所慮念而新修柴石諸塘亦當親閱其工以便隨時指示又近日遭大臣督修水利

如雖河荆山橋等處亦為數省灌輸喫緊關鍵所以驗前工而程後效正惟其時矧東南歲事頻告豐登洪惟 聖母皇太后福履

康甯彌臻純嘏於是承 歡行慶咨士民望幸之忱稽典實為允協著照所請准於乙酉之春諏吉南巡其河工海塘應親臨省視

者卽行先期豫備至前次登錄繁文暨扈從人員雇覓巨舟並籤占公館諸禁已屢頒諭旨卽朕所過行宮道路距上屆為日匪遙



止須灑掃潔蠲足供頓懇不得稍事增華勞費副朕仰承 慈懷俯順輿情之至意將此通諭各該衙門知之○以羅源漢爲左副都御史由順天府府尹遷○庚子禮部奏休致之左都御史梅穀成病故係奉旨休致之員例不請卹查該員休致後奉恩賞給全俸可否

照原銜依一品例諭祭葬並應否予諡又遺疏請入籍江南應否准其入籍得旨著照原銜給與祭葬仍著予諡准其入籍江南尋

予祭葬諡文穆○辛丑以呂熾爲左副都御史服闋○王寅諭雷郡王弘岐既經患病病期俱不能到著停其食俸其本年期

不到二十五次之德瑾著革去輔國公陪祀四次不到之永順承德僧圖俱著交部察議○乙巳命巴里坤提督移駐烏魯木齊烏

魯木齊大臣移駐雅爾薩巴里坤大臣卽行撤回○己酉定恩騎尉子孫犯貪婪私罪者不准承襲例○是歲朝鮮來貢○會計

天下民穀數各省通共大小男婦二萬四百二十萬九千八百二十八名口各省通共存倉米穀三千四百四萬三千六百一十二

石一升五合八勺零

乾隆東華續錄五十九

乾隆二十九年甲申春正月丙辰封喀爾喀親王成袞扎布子額駙拉旺多爾濟爲世子○庚午諭朝鮮劫殺人犯卽於內地正法

○壬申兩淮鹽政高恆奏漢口賣商挾制拖欠以致揚商虧本嗣後賣商侵蝕鹽行店拖欠請俱責成鹽道如經揚商控告照例

究處又江夏漢陽二縣向分別大小鹽鋪發給印票令商人減價售賣名爲公鹽而賣商仍以貴價轉售應將印票公鹽名色曉

諭革除得旨所辦甚好又奏淮南商向於漢口設立公所公舉一二專司支解應酬等事名爲厘商並不經營行銷事宜如養廉生

息楚省則由賣商於售鹽價內扣交厘商以致遲延欠貽累商本至鹽務應酬沿隘日甚查養廉各項鹽道儘可承辦應照例應

裁減見與督臣李侍堯商酌將一切支解款目俱交鹽道辦理裁去厘商撤其公所得旨甚好湖廣總督李侍堯兩淮鹽政高恆奏

楚省鹽價章程臣高恆赴楚公同體察緣淮南商成本各綱既不相同卽一綱亦不能盡一如癸未綱每引實需成本加以餘息三錢

計每包實銀二錢三分一釐應卽照此定爲限制見在各商浮濫費用詳加釐剔嗣後漢口賣價總以淮鹽成本爲準請以甲申綱

爲始每綱於綱首鹽船開江之日查取商人成本餘息釐定每包應賣銀若干移明楚省飭商遵照得旨如所議行餘有旨諭諭軍

機大臣等朕前諭高恆赴楚面同李侍堯會議鹽務事宜今據奏到所辦甚屬允協已於摺內批示如所議行從前湖廣行鹽之弊

總由不按淮南商成本折中定價是以漢口賣商從中意爲低昂甚至擡價賒欠侵吞種種作奸而揚商遙遠阻礙遂不得不受其挾

制今高恆遵旨前往李侍堯與之協力清釐將成本覈定加以餘息明立限制情理皆得其平釐政可以永行無弊且撤去厘商節

減糜費則商力裕而民食益充若非朕深究弊源以會商爲兩省通氣之法安能得其要領若此不但該商民等當爲歡忻感切該

督該鹽政公同籌辦益當踴躍倍常溢於言表今覽所奏似不過就事完事初不以積弊有年始得洞中竅要爲喜豈該督等彼此

成見未化僅藉此調停了局抑以前此兩兩相持迄無定奪尙不足爲鹽法之累耶著傳諭李侍堯高恆令其詳悉覆奏再長蘆鹽



政原有每年自赴山東嚴查道庫體察商情之例楚省距維揚雖較山東稍遠然究屬該鹽政統轄之區見在一經親行已有明驗嗣後該鹽政或酌量於一二年中親往巡視一次之處著一併令其定議奏聞候朕降旨尋李侍堯奏上年奉旨飭高恆赴楚會商詢問見在成本加以餘息酌中定價從此商力日裕成本日輕實價平減皆由睿慮周詳無微不至乃臣等於從前辦理未當經奉旨遵照妥辦緣由並未切實奏明實屬草率非敢稍存成見得旨覽此奏甚明矣高恆奏鹽法兩兩相持商民並累幸蒙 聖恩教導與督臣李侍堯協力清釐得以永行無弊至鹽臣赴楚巡視年限查楚省距揚稍遠請嗣後二年一次奏明前往如二年內有必須查辦會商之處隨時奏請得旨知道了不必定年限於應去之時請旨可也

二月甲申 上御經筵○己丑訓觀保爲兵部侍郎以旌額理爲吏部侍郎○辛卯 上啓慶壽 泰陵○甲午 上謁 泰陵回鑾○戊戌停止經筵筵宴○己亥 上還京師○庚子諭向來外省題請升調人員有前此引見未滿三年者吏部於本內聲明免

其送部引見蓋因其人平日政績尚優見經大吏推擢且經朕鑒別未久原可無庸再行引見此乃體恤下寮之恩也至於望誤人員議降議革本分所應得特以事屬因公准令送部引見候朕量其人材或照部議降革或帶處分留任及仍以原官錄用此又屬格外加恩愛惜人才之意然其情事則與名列升調之人判不相同豈得援已經引見之例今吏部本內失察邪教之王銘錫馬麟飛等前已因公望誤從寬錄用近復以失察邪教致干例議是一誤再誤其與貶免供職者迥難相提並論而該部亦以引見未滿三年聲明雙請內閣復依據稟擬是於僥倖中復求僥倖深乖患失之義非所以教誨僚也且此等被議人員並此一來往之費尚

欲惜之安望其於地方政務留心奮勉乎此於吏治甚有關係嗣後凡因公望誤引見未滿三年聲明免其引見之處著停止王鳴錫馬麟飛仍著送部引見候朕再降諭旨○辛丑以五訥璽爲湖北布政使何逢儒爲湖南按察使由江西調○甲辰署宗人府事

誠親王允祜奏宗室王公等承襲請不論嫡庶揀選嫻熟騎射清語者數人引見候旨從之○己酉命大學士等揀選翰林堪勝道府人員○辛亥諭劉藻摺奏貴州大計應於本年三月補行但新任撫臣圖爾炳阿約於二月始能到任若不先期趕辦勢必又請展限見將應舉應劾人員與臣吳達善會商秉公與註考語即行具題等語向來外省大計督撫等於接替交代時後任既以受事

未幾聲明展限而前任又因受代將來輒行委卸甚乖急公之道該撫劉藻於圖爾炳阿未到之先即將補行大計先期迅速趕辦於激揚大典不致稽遲封疆大臣能如此實力奉行公事何難整頓所奏深可嘉尚劉藻著交部議敘以示獎勵

三月癸丑祭 歷代帝王廟以重修工成 上親詣行禮 御製重修 歷代帝王廟碑文曰 歷代帝王王之祀其準古遵廟觀禮

遺意而推而放之者歟書曰七世之廟可以觀德疏家以謂世祚者迭遷德盛者弗毀蓋就一朝爲言而周禮鄭氏四類注稱三王五帝九皇五十四氏咸祀之繁露引爲自近邇遠之明證斯正合食所權輿然漢魏以來有司具儀率求之聲迹遠都而不聞立廟自唐迄明廟立而代以專祀開創爲常其制又缺而未備我 皇祖聖祖仁皇帝康熙六十一年 敕諭禮官增祀苟非失德失器

即蒙業守成者皆得與我 皇考世宗憲皇帝不續 先型詳定位次 臨御伊始 親詣視成著於 奎文者恭恭開攷舊史

所紀初守難易之辨渺有折衷定論以是對揚曩昔所爲法施於民者不克兼既其實獨斤斤於 殿於門於坊具類之曰景德景

德焉爾德故若是其偏而不舉耶寅惟 祖 宗懋敬厥德咸秩孔修觀法之所存即知戒之所寓義至深遠大雅不云乎天難忱

斯不易維王召公奭迪王祈天永命一則云監於有夏再則曰監於有殷浸假入廟而徵統系由百世之後等百世之王一自昭代

槩之皆名之爲勝國有不深慮夫屋與楹之微而怵惕動容者哉顧於其間懸選 列辟若稽古之化浹衆人治光往牒者罔不穆

穆棣棣式在 几筵崇異代同堂之報故於世數之遷而得其示戒於無形抑於世數之屢遷而不遷而得其垂法於有永稔乎此

者觀德之意愈以畢然而興矣 廟自雍正癸丑繕葺距今且三十載爰以乾隆壬午出內帑金庀而飭之故事飢輒致以純絲茲

特易蓋 正殿黃瓦用昭焉奕工告訖功適屆甲申季春吉祀祇承 家法躬薦 新宮已爲長律述事揭言其大指會所司請製

文並鐫諸碑復詳闡之如此○太子太傅武英殿大學士來保卒遺疏聞論大學士來保老成端謹誠篤恪勤年躋大耋久任綸扉

宣力三朝勤勞懋著前以患病特命御醫前往診視並賜葺茸以冀速痊昨具摺請解開職降旨慰留但令不必兼管部務俾得從

容頤養茲聞溘逝深爲軫悼著加贈太保入祀賢良祠並賞銀三千兩辦理喪務朕於初九日親臨奠醊所有應得卹典該部察例

具奏尋予祭葬諡文端○乙卯諭前因西陲辦理軍需令陝甘總督駐紮肅州以便調遣迄今大功久竣新疆屯政亦已酌定章程而該督仍駐肅州距西安會城較遠於腹地屬員案牘控馭轉多隔礙朕意若將總督移駐蘭州巡撫原署則東西道里適均不難居中節制而甘肅巡撫亦可裁汰因於常鈞陛見面詢情形據奏即應遵旨乘時移駐始於體制允協當經傳諭楊應琚令其熟籌妥議今據覆奏與朕所見脗合著將蘭州巡撫衙門改爲督署令該督移駐並兼管巡撫事務無庸更設巡撫所有原設撫標即改爲督標其舊設陝西督標改爲提標即令固原提督回駐西安管轄至所奏河州鎮總兵改爲固原總兵並摺內條議各標弁兵一切裁汰撥給事宜該部詳悉定議具奏尋議固原係平涼重鎮應將河州鎮改駐其地河州改設副將以花馬池協標移駐其花馬池改設參將以鎮番營移駐又蘭州應添設城守營請以甘肅靖遠下馬關參將等官改駐得旨允行○庚申 上臨大學士來保喪次賜奠○壬戌召阿爾泰來京以阿桂署四川總督○諭軍機大臣等據七十五奏番人郭羅克瑪克蘇爾奏布告稱見在郭羅克等肆行盜竊從前提督岳鍾琪曾將伊父用爲頭目管束不致散處爲匪今若將瑪克蘇爾奏布授爲頭目可以約束應請特派大臣前往查辦等語此事雖據瑪克蘇爾奏布稱岳鍾琪曾於三部內將伊父授爲頭目但當時所派番目是否足資彈壓今若將瑪克蘇爾奏布統攝別部番眾果否足杜盜匪之源雖在該番不無藉約束眾人以圖自利之意但見在地方果有盜匪竊發理應酌量辦理且近年金川與附近番寨時相構釁雖經該督屢次摺奏而一切事宜正須面爲籌議見派尙書阿桂馳驛先赴西南會同七十五及章嘉呼圖克圖將選派頭目管轄之處辦有端緒即令其前來四川暫攝督衆阿爾泰俟其到省交代起程任內一切應

辦之事可卽告知阿桂令其接辦在阿爾泰到京面奉指示則回任辦理更易遵循而阿桂在川既悉情形將來回京籌酌於該省事務尤多裨益將此詳諭阿爾泰知之○癸亥 上親耕藉田○丁卯諭黑龍江佐領等官未經出痘者俱赴木蘭引見著爲例○辛未諭據尹繼善等奏覆議弛洋禁絲斤以便民情一摺前因內地絲斤絀段等物價值漸昂經御史李兆鵬等先後條奏請定出洋之禁以裕民用乃行之日久而內地絲價仍未見減且有更貴者可見生齒繁衍取多用宏蓋物情自然之勢非盡關出洋之故會降旨江浙閩廣各督撫令其各就該省情形悉心體察將應否卽行開禁之處詳悉妥議具奏今尹繼善等籌酌定議奏請弛禁而莊有恭並稱前撫浙時體察杭嘉湖三府民情以絲斤弛禁爲便等語江浙之情形如此則餘省亦可槩見蓋緣出洋絲斤本係土絲及二三蠶蠶之絲非腹地絀段必須精好物料可比徒立出洋之禁則江浙所產蠶絲轉不得利是無益於外洋而更有損於民計又何如照舊弛禁以天下之物供天下之用尤爲通商便民乎況所產蠶絲既不准出洋勢不得不充雜於頭蠶好絲之內一體售賣於民間組織尤多未便且啖咭喇喇巴等國俱先後以織絨不供懇請賞給貨真價實已特旨准其酌帶配用是外洋諸國取給於蠶絲者正復不少亦宜一視同仁曲爲體恤見在新絲將屆收成所有出洋絲斤卽舊弛禁仍遵照舊例行其中各省情形或微有不同應作何酌定章程及設法稽查之處俟各該督撫奏齊時該部詳悉妥議具奏尹繼善等摺並發○乙亥諭暢春園等處派員管理不必令奉宸苑專管補放官員不必令內務府帶領引見著爲例○兩廣總督蘇昌奏安南行劫人犯眾多請審定奏聞卽行正法從之○庚辰 皇后行躬桑禮

夏四月壬午朔以尹繼善爲文華殿大學士仍留兩江總督任○丙戌諭高晉奏籌辦雲梯關黃河下游情形一摺所見甚是已於摺內批諭雲梯關一帶爲黃河入海尾閘平沙漫衍原不應設立堤岸與水爭地而無識者好向浮言或以上流清口洩水分數較多遇海潮盛時或不免意存顧慮因有子堤隄防之議殊不知清口暢洩其收利在下河州縣者不可數計至雲梯關附近不過阜南安東二邑所轄地面以此衝破其輕重大小不待智者而知卽令一時偶值盛漲所侵盜者不敵百分之一二耳高晉當守其定見既知下游之制防一切毋庸置議並可信清口之展放無難永遠力持於水利民生實爲交有神益○癸卯諭各省督撫遇有子孫茂倫重案必須親詣定讞毋憑州縣供詳致滋冤抑○己酉諭忻妃薨逝加恩照貴妃例辦理著四阿哥六阿哥八阿哥縣恩穿孝其應行典禮交該部察例具奏

五月己巳以赫昇額爲湖南布政使調費元龍爲廣東按察使以雷暢爲湖北按察使

由江南准徐

○丙申諭軍機大臣等阿桂奏縛斯甲布等九土司與郎卡互相攻擊

由浙江

各情形內另摺所奏虛衷體察全局機宜不必急急辦理之處所見甚是其第一摺所奏將金酋罪在不赦傳諭各土司以破其疑

河務道遵

等語則未免迹涉張大於見在事理未協在金酋等仇讐相尋正如鼠關穴中本屬外番常有之事督臣爲邊方重鎮卽欲相機辦